

Roegyengj bwn lengj sing ndei, hag rox gak cungj singyaem, dwg mingzsingh duzroeg.

Ngoenz neix, roegyengj hwnj gig caeux, cinjbei hawj daihgya yienj hagsing. Gizgyawj caeux miz geij duz roeg maengx bungj de haenx, caemcingx caj dwk.

Seizneix, “ya” sing ndeu, aen ngauez ndaem he mbin gvaq, dwg duz roegga.

Geij duz roeg haenx goemq rwz hwnjdaej, nauez: “Rwix dingq dai lo!” “Duz roegga dairaq neix!” “Mingzsingh yaek byaujyenj, de yienghneix mbouj dwg daej nyauxluen ma?” Roegyengj dingq le hix mbouj angq lo.

Douq iq daej lo, manaez daej lo, haujlai doenghduz cungj daej lo, lienziengzbya daxgoeng hix daej lo.

Byaujyenj hainduj lo.

Seiz byaujyenj yaek sat, roegga mbin dauqma lo. Geij duz roeg haenx swenj: “Duz roegga, ga ga ga, ndang uq ndaemndanda!” “Duz roegga, ga ga ga, mbouj gvaq mbouj lingz ngaengqnganga!”

Roegga ndaw bak gamz non, lumj mbouj dingqnyi nei mbin baema lo.

Gig vaiq, roegga mbin dauq daej

Roegyengj Caeuq Roegga

鹦鹉和乌鸦

lo. De doiq daihgya gangi: “Doiq mbouj hwnj, seiz okbae hoengh daihgya lo, gou gaenj okbae ra doxgaiq hawj bohme hwn.”

Yiengzbya daxgoeng nauez: “Roegga, dou mbouj gvaq mwngz. Mwngz roxsoq youh coengmingz maenh’ak, dwg boux lwgnyez ndei.”

Gyoengq roeg mwngz coenz gou coenz, cungj gangi roegga mizmaz coengmingz maenh’ak.

Yiengzbya daxgoeng nauez: “Roegga rox gueng bohme laux, gig roxsoq, cigndaej raeuz hagsib. De hix rox hagsing, lij rox cabheiq, mbouj beij roegyengj yaez ne.”

Yienghneix daihgya couh yoengx roegyengj caeuq roegga doxdax baez ndeu.

Roegga nauez: “Ndei ba, couh suenq hawj daihgya boizlaex ba.”

Roegyengj lienh hagsing haemq sug, roegga dangvienz beij mbouj ndaej de lo, hoeng daihgya hix gig

haenhndei.

Ciep roengzdaej dwg doxdax cabheiq lo.

Roegyengj mbin gwnz faexsang bae, song cik nyauj gaem ngefaex ndaet, baez daengj hwet soengx hoz, guh le gak cungj dungcoz nanz.

Lwnz daengz roegga lo, roegga nauez, heuh nuengx de caeuq baengzyoux daej guhdoi hix yienj lai ndei, daihgya doengzeiq lo.

Roegga swenj sing ndeu, nuengx de gamz gaiq suliu hoengz ronghrikrik ndeu, daiq geij duz roegga daej lo.

Roegga gamz suliu mbin hwnj-daej, gyoengq roegga hix cungj mbin hwnj. Roegga mbin gig vaiq, sawqmwh ajbak, suliu doek roengzdaej, nuengx de lingzgiuj cieq dawz, youh cienz hawj duz wng, yienghneix duz cienz hawj duz, couh lumj dwk giuz lwgyamj nei.

Daihgya dopfwngz robrob, raq dem raq.



Gyoengq roegga dingz youq gwnz nyefaex. Daihgya laihnaez yienj sat lo. Sawqmwh, roegga sohswd cung hwnj fwj bae, caiq doek roengzdaej, ciepdwk fan dingjdaej, baenq-ndundu, naj coh gwnz mbin, guh gak cungj yienghceij, doq yienj doq angq hemq.

Daihgya yawj ngaez lo, cungj geiq mbouj ndaej dopfwngz lo.

“Saenzgeiz lai lo!” Roegyengj haenh nauez.

Byaujyenj sat le, daihgya angq humx hwnjbae. Yiengzbya daxgoeng nauez: “Daihgya raen loba? Geiq maenh: Yawj vunz mbouj ndaej cij yawj yienghsiengq.”

Gij roeg riu roegga haenx, cungj yiengq roegga boizlaex, angqhoh.

(Ganh Sozywnz/甘说文)

Daxmeh Gou

我的妈妈

Daxboh sawqmwh gvaqseiq le, gou caeuq dahnuegx yienghyiengh cungj baengh daxmeh lo.

Daxmeh gaxgonq ngoenznaengz cij hwnjban 8 diemj cung, seizneix hwnj baenz 12 diemj cung, roengzban le lij bang dou cawj haeux cawj byaek, saeg buh baet ranz, gij saeh daxmeh lumjbaenz cungj guh mbouj liux nei.

Ngoenzsinggeiz he, gou heuh daxmeh son gou cawj byaek. Gou caeuq daxmeh byaij gvaq bakdou ranz Siujcingh seiz, yawjraen geij mehbaj doxcomz gangigoj, seiz mbouj seiz lij riuha.

Mehbaj he gangi: “Sou rox mbouj caengz, gij huq aen bouq bak haw roengz gvaq, cienh lai lo, gou baez he couh cawx baenz geij bak maenz!” Boux mehbaj wng youh gangi: “Gij huq haenx cienh lai, mbouj gvaq cien song cien maenz gou cungj yawj mbouj hwnj da.” Dingqnyi gij vah neix, raemxda gou cungj gag loeng lo, daj daxboh lizhai dou le, daxmeh geu buh moq he cungj mbouj sij cawx gvaq.

Yawjraen dou byaij gvaq baihnaj, mehbaj he heuh daxmeh: “Mehlingz ha, mwngz baelawz lij ndang ndeu daiq lwgnyez gvaq ha? Sinhoj lai lo! Cungj gvaq baenzlai bi lo, mwngz hix wngdang bang swheij naemjnaemj, ra bouxbuex he lo.”

“Mbouj sinhoj! Caeuq song bouxlgw doxyouq, gou ngoenznaengz cungj angq raixcaix!” Daxmeh riuhehe daiq gou byaij lo.

Neix couhdwg daxmeh gou! Yienz-nauez de mbouj miz ngaenz, hoeng dou ciuqiengh gig gyaex gig gyaex daxmeh dou.

(seiq nienzgaep Couh Caijingz)

Duzmeuz Ranz Gou

我家的小猫



Ngoenzneix cuengqhag dauq ranz, gou hai daehsaw couh guh cozyez lo. Cingq haeusim guh cozyez seiz, dingqnyi sing “da da” he, laxlawz dwg duzmeuz ranz gou

rag diuzsai daehsaw.

Duz meuz nyaeq neix ngamq ndaej bi ndeu, de gig dwggyaez, danghnaez mwngz yawjraen de, itdingh maij de. Gwnz aemq caeuq diuzrieng de cungj dwg saek henj, lumjbaenz daenj geu buhhenj he nei, aen ndang gizwnq duzmeuz cungj dwg hausagsag. Song lwgda de youh hung youh luenz, cingsaenz raixcaix. Song aen rwz de soemdikdik, baez dingqnyi baihrog miz singyaem couh doenghyaebyaeb. Bajbak nyaeq de cungj heuh “miuj miuj” mbouj dingz mbouj duenh, gaej yawj bak de nyaeq, baez ajngab saek aen mak he roengz bak bae cungj ndaej. Seiq diuz din de byaij roen cungj mbouj ok sing, laxlawz lajdin de miz nohdemh ne. Gij nyauj de gig raeh, danghnaez byawz hangz de, de

itdingh coemj gvaqbae.

Bingzseiz gou baez heuh “meuz meuz”, de sikhaek buet gvaqdaej, unqswnh dwk diuq haeuj ndaw rungj hawj gou umj. De lumjbaenz boux lwgnyez he nei gingciengz heuh gou umj de ninz.

Duzmeuz gig gvaq, de cieq maij gwn noh gwn bya, baez daengz seiz gwn caeuz, de cungj “miuj miuj miuj” coh mwngz hemq, lumjbaenz gangi: “Gou iek lo, hawj gou di doxgaiq he gwn vei!” Danghnaez mwngz hawj noh de, de sikhaek couh gwn cengh, danghnaez hawj de haeux ndwi, de yawjyawj le baenzlawz cungj mbouj nyienh roengz bak.

Gou gyaex duz meuz gou, gou maij caeuq de guh baengz-youx.

(haj nienzgaep Veiz Veihdingz)

Gaeqnumh Ra Daxmeh

小鸡找妈妈

Haetromh, gaeqmeh daiq gaeqnumh bae henz dah guhcaemz.

Byaij dwk byaij dwk, sawqmwh duz mbaj ndeu mbin gvaqdaej, duz mbaj haenx gyaundeix raixcaix, de daenj geu gunz saek lamz he, ndaw gunz lij miz haujlai dujva saek gyaemq dem. Gaeqnumh baez yawjraem duzmbaj, sikhaek buet bae coh de, gyaep ha gyaep, gyaep ha gyaep, mbouj rox gvaq geijlai nanz, duzmbaj sawqmwh mbin haeuj suenba bae mbouj raen lo. Gaeqnumh ra mbouj raen duzmbaj, cij siengj daengz daxmeh, hoeng de yawjyawj seiqlengq, cij rox swheij gaenq byaij haeuj giz luengqbya mbouj miz vunz ndeu, mbouj rox baenzlawz dauq ranz lo. Siengj daengz baelaeng caiq mbouj raen daxmeh, hix mbouj ndaej caeuq doengzdoi hix guhcaemz, de siengsim dwk daej-nganga.

Seizhaenx, duzroegenq dingjilingz mbin gvaq

aen luengqbya, yawjraen gaeqnumh doq hemq daxmeh doq daejnganga, de gietsim bangcoh gaeqnumh ra daxmeh. Vihneix, de mbin daengz gwnz mbanj doenghduz bae ra daxmeh gaeqnumh. Sawqmwh, de yawjraen duz gaeqmeh he cingq doeng muengh sae yawj, simgip dangqmaz. Duzroegenq sikhaek duengdingh de couhdwg daxmeh gaeqnumh lo. De mbin roengqbae doiq gaeqmeh nauez: “Gou ra daengz lwg mwngz lo, youq ndaw luengqbya haenx.” Gaeqmeh simgip dwk sikhaek buet haeuj luengqbya, gaeqnumh baez raen daxmeh, couh coemj ndaw rungj de bae, angqvauvau dwk gangi mbouj ok saek coenz vah. Gaeqmeh umj gaeqnumh, unqswnh dwk nauez: “Daxmeh youheiq lai lo, mwngz baezlaeng gaej yienghneix bw!”

Duzroegenq yawjraen gaeqnumh cimh daengz daxmeh le, vuenyungz dwk mbin bae lo.

(sam nienzgaep Dwng Siuhlungz)